

大荔縣舊志稿

王典章題

續修大荔縣舊志存稿卷十二

列女傳

補編

節孝

朱貞姑東大村朱整女明弘治時人未嫁父母歿弟朝幼進甫周歲貞姑徹其環瑱矢志撫二弟成人俾立家室而已年已過遂終身不嫁弟等率妻孥奉之如母卒葬以禮子孫至今數百年每歲清明閤族必拜掃其墓

王貞女船舍鎮張天爲童養妻年及笄天爲病卒女衣縞素痛不欲生家人救免欲奪其志女以死辭屏居室內不輕出戶者四十年卒年六十二乾隆五年旌以柏舟自誓四字匾額後經同治元年回亂全屋被焚惟懸匾之房一椽未燬至光緒二十七年房久牆傾雜物

續修方志卷之二
塌碎匾仍完存民國五年被匪火及屋宇至懸匾處火滅夫經數百年三次火劫而匾獨存亦足徵精誠之不可沒滅矣

卞氏大壕營周天心妻年十九夫死遺一子名寅甫週歲氏志搖爲再醮計約既定某家策蹇來將行矣里巷老婦聚觀者僉曰負心人忍拋此呱呱而不一回顧耶氏聞之嗒然若失含涕入門抱子矢終守百計逼之不肯出由是安心撫子至於成立苦節四十五年歿後知府張聰賢題其碑曰巾幗完人臨崖勒馬非大豪傑不能

孫氏石曹村徐福申妻年十六于歸越三載夫亡無子翁姑在堂家貧窘晝夜紡績養樂葬哀惟恐遺憾同治八年守節三十三年卒趙學使獎以巾幗完人

雷氏東埝橋村張鉞妻年十九寡葬時氏投墓欲殉衆救出猶求死者數姑與氏母日夜伺側諷以徒死何以全孝姑他日老病牀褥無

人侍奉汝心安乎氏聞之椎心忍死慨應守節姑爲立姪秉澄繼嗣
氏孝姑撫子不憚艱苦姑得壽終子得成人夫弟之壻庠生梁益記
以句云求死不得死無生偏逢生初字卽茹苦終身比石貞孝姑撫
猶子門戶賴以撐幾見有如此卅載留芳名嘉慶九年卒守節四十
三年督學樊獎以古井無波

馬氏三里村李居法妻居法卒時氏年二十八子幼矢志撫孤日夜
辛勤道光二十六年大飢氏預採灰荅子數石又拾瓜殼若干全家
賴以生活且助賑鄰右數次年八十有三卒

李氏蘇村劉學堯妻道光六年學堯卒氏年二十一歲無子同治元
年氏卒計守節三十五年林學使以彤管流芳字表之

李氏大村朱蘭景妻年二十二寡二親在堂氏撫前室子大漢如己
出孝二親如父母姑病劇割股以進嘉慶二十年守節逾三十年有

司以節孝表其閭

齊氏洪善村曹自孝妻嘉慶元年寡年二十二貞心撫孤以孝謹稱
翁爾全病急割臂肉愈之雖家人不使知道光三年卒守節五十五
年舞陽縣趙服卿爲作孝行傳子曰楓勒石

王氏馬坊頭馬揚休妻年十六于歸二十二歲夫亡子女俱無誓志
守節事翁姑曲盡孝敬同治元年避難郡城家務拮据爲人鍼術縫
紉作全家餬口計難平歸里晝耕夜績倍極艱辛旋遭髮逆之亂翁
姑先後歿殯葬盡禮時姪應南尙少待如己子年四十三卒姪哀葬
不異生母

續編

節孝

張氏樊家堡張道棻女道棻設教於沙苑別墅連界渭南縣南溝村

雷正啓從之學聰穎誠篤道蔡以女妻之詎意三月嫁八月寡氏年十六無子痛不欲生念衰翁在堂忍死奉養不數年翁卒氏哀葬盡禮念夫家人絕遂佃微產於人歸寧依父值母產子本慈死於產難氏遂奉父撫弟數十年中兵旱頻仍老父得頤養考終弱弟得成人婚娶皆氏精誠荼苦本慈成立氏告歸本慈以其族多年無昭穆相當可立後者孤子歸去心何以安遂挽留己家尊若主母焉氏雖適渭南而苦節實事全在大荔故收而表之計守節四十年矣

馬氏東大村張喜新妻年二十二守節遺孤二歲家極窘艱苦撫養旋遭回變轉徙流離煮野菜爲食迭經險難而冰操彌篤亂靖旋里攜子傭工以給衣食子懷璧長習商竟早卒氏卒時年七十老病纏綿里人哀之

嚴貞女渭南嚴清選女幼讀書識大義清選寓蜀馮翊西大村李生

華賈于斯選美其才以女締婚未娶而生華病危女憫其旅次無人侍疾請於父母來省視七日生華卒氏哀毀不欲生權厝柩於義園歸母家爲龕祀夫晨夕哀涕人無敢以改醮言者父母憫其誠爲立其姊之子爲嗣氏勤工撫子閉門不出然衷心毀形久而彌甚又三年竟齋志以歿時年二十三生華之族弟生玉赴蜀俾姊子歸宗輿二柩歸里合葬以成女志焉

孫氏東大村朱寶晉妾年十四于歸不苟言笑習女紅不成卽引針自刺寶晉本宦家子能文章顧數奇家中落氏孝姑敬嫡且能維持家政泊寶晉卒氏年二十二時花門變作烽火在門從容整裝偕舉室避難走山西路遇土豪疑嫡室子桂森爲回欲殺之氏抗辯爭代豪感而釋之客中艱窘萬狀亂定旋里督傭糞除瓦礫聊構室廬耕織不稍息桂森赴蜀親老子幼未幾嫡室卒氏獨肩家政經十年桂

森攜幼子歸家務頗有起色不幸姑逝桂森暨長孫相繼亦逝氏葬姑葬子並孫毀不滅性哀不灰心以德化長孫婦張氏兩世守節教幼孫先模讀書立名先模成歲貢生屢歎貧無以養氏戒之曰操苦吾分內事爾能不辱先勝以列鼎孝我矣卒年六十五守節四十三年先模援慈母例尊之曰慈祖妣立主奉祀

郝氏東大村任福來妻同治元年回叛福來探賊殉難時氏年三十無子老姑在堂奉以逃艱苦備嘗人諷以再醮則涕泣謝曰如先夫忠義何亂靖旋里針黹養姑姑七旬餘卒氏負土成墳食貧四十年無間言卒時年亦七十邑人士稟於學使趙旌以矢志靡它等字

秦氏石曹村王克勤妻二十二歲寡翁姑在堂遺孤重仁甫及歲立志守節孝親撫子貞靜無貳宣統二年提學使獎以冰霜志潔字守節已四十餘年

孫氏王馬村李崇慶妻同治六年崇慶禦回於入女并殉難時氏二十六歲舅姑在堂無子撫姪爲嗣孝慈兼盡貞靜自守光緒二十七年卒守節四十八年

雷氏王馬村李恆妻同治元年恆殉難氏年二十八扶親攜孤轉徙流離堅貞凜凜卒能二親終養兒孫繼起孀居四十三年卒

睦氏石曹村王庚辛妻同治三年正月夫與其弟庚兒禦回戰死氏無子姑老在堂夫弟丙午幼庚兒妻去氏奮然曰吾夫兄弟忠義而吾等舍去俾老親失養幼弟喪亡是復有人心耶遂矢志堅守時年二十五奉姑極孝撫弟極慈丙午後成人感嫂恩事之如母姑弟夫婦亡留孤子雷一經氏體姑意招來撫之成立娶妻始遣歸年逾八旬卒

王氏石曹村秦鳳鳴妻同治三年正月鳳鳴隨村人禦回戰歿時氏

二十二歲無子姑老夫弟幼氏孝姑撫弟與王庚辛妻堅貞唱和每相遇則對泣勤苦耕織俾立家室夫弟成立事以母禮現年八旬守節六十餘年

李氏石曹村石盛文妻年二十三寡孤子五齡隨孀姑姚氏力苦撫孤沙坡田十畝姑婦同力操作後稍裕子成家則留姑安享於家己率子勤力田畝敦尚淳樸年七十六卒

楊氏馬坊頭馬登順妻常氏馬坊頭張梅桂妻皆年二十七寡矢志撫孤耕織兼營子女克底成立得年七十餘卒

馬氏伍家灣王瑞臨妻年二十四寡遺一女無子矢志守貞胞弟貢生憲曾招之恆居母家有田二十畝讓夫兄耕之不收租稞立姪爲嗣年四十四卒憲曾爲舉節孝學憲沈獎古井盟心字

王氏石曹村潘文暉妻年二十六寡無子撫姪爲嗣家貧力苦矢志

續修大荔縣志卷十二
以終光緒季年年九十八卒守節七十餘年

趙氏洪善村曹曰仁妻同治元年五月回叛曰仁率衆禦戰於渭陽被害氏痛不欲生顧念孀姑無恃勉強食息代夫完孝從堂叔翁避難山右有富室謀娶之氏嚴拒絕之乃止不幸姑病沒旅次氏哀感里黨竭力殯殮亂定扶柩歸葬薑荼如飴每念無子夫祀將斬乃邀戚族議立夫堂弟子國瑞爲嗣國瑞幼弱多病氏延醫覓乳風雨霜雪弗避稍長擇良師命從學衣食缺乏而束脩必豐國瑞感恩篤學早列膠庠氏欣慰更以恆心二字勉其上達國瑞阨於鄉闈氏復諭以學爲聖賢毋貪勢利泊疾革戒國瑞曰汝祖母卒於危難流離失所無財弗悅余畢生負疚我死殮厝萬不得逾於姑吾常諭汝以洋烟毒雖緩而深賭博害似淺而猛讀書先戒濫交更無冶遊汝能刻識此言吾瞑目矣光緒十八年卒苦節三十五年學憲黎以節苦心

貞表其門

李氏趙仿輿兄邦平妻同治元年五月一日邦平殉難氏年二十六子甫九齡從仿輿逃山右子天其兄憫之欲奪其志氏謝曰我夫弟仿輿患難艱苦且喜我爲其兄守兄何不知大義古來節婦毫無倚傍而以死明志者多有我有賢弟豈不較勝百倍何事妄爲自此守節三十五年白璧無瑕以仿輿子養正爲子學使趙以瑤池冰雪表其門

藺氏胡村庠生史倍森妻年二十六夫亡無子舅姑在堂夫弟三人二列庠序氏矢志奉親維持門風不以無子而稍渝後二親壽終三弟婚娶皆氏精心苦志籌備盡善弟等感氏才德一以內政奉委氏勤儉而無苛刻舉室服從門庭肅然以弟倍植子爲氏後氏教養兼至不流溺愛年七旬餘卒

續修大荔縣志卷十二
王氏胡村藺永泰妻年十七于歸十九夫亡無子立志養翁姑委婉承歡翁姑以壽終氏喪葬盡禮誠敬畢至與夫堂弟同爨忍讓和平妯娌無間言晚年立夫弟子爲後七旬餘卒

張氏胡村藺俊發妻夫承其叔父祧年十四入邑庠二十一病卒氏年二十四親老子幼矢志靡它事嗣親曲意承歡毫無芥蒂經十餘年舅姑相繼沒殮葬竭力生平清貞自持專以孝親教子爲事不輕出閨外非至戚罕覲其面年逾六旬猶守禮維謹云

潘氏胡村李世義妻年二十生子錦章世義賈蜀之資陽爲事所羈弗克旋里自此留外三十年竟歿於蜀氏閉門靜守辛苦撫子俾從師學得入泮年逾七十卒

樊氏南莊村藺成旺妻年十八旺卒無子老翁在堂家赤貧立志守節勤女工孝親盡禮翁得安逸以終天年守節四十九年卒

周氏南莊村潘映漢妻年十七夫亡子幼柏舟矢志孝親撫子恪守婦道母家貧父老無妻子賴氏時供衣食不使缺乏生養死葬春秋祀其木主夫弟遊蕩屢蹈法網氏督責勸諭曲盡苦心教子成人家致小康守節逾五十年

張氏三里村李凌垣妻年二十寡無子母家欲奪其志氏以夫嗣其叔父中楷衰老失明矢志終養先意承志二十餘年無間言立姪逢翼爲後含辛撫育愛而不溺教養兩全俾立室家嗣親嗣子形迹俱泯年七十六卒守節五十六年

党氏三里村王萬壽妻年十七于歸事姑孝壬戌亂萬壽推小車載母逃道路間氏助力挽之流寓韓城之芝川鎮客况萬艱猶必極力娛親志姑病沒夫妻哀毀權厝亂後昇柩歸未及葬而壽沒氏年二十三子五齡矢志撫養兼理內外三年時並葬姑與夫及前室雷氏

三喪衆歎其賢教子讀書力農嚴禁比匪年七十二卒藩司樊表其門曰霜筠雪幹

李氏大村趙如源妻年十五于歸未逾年如源赴蜀貿易一去不返覓訪無迹李氏安心守志孝養翁姑和睦親族其姪生員承業倚以家政氏又恩撫承業子保璧成立氏歿後保璧爲塋碑文詞極哀感劉氏北莊村王太和妻年二十三夫亡有女無子一門三支俱絕人多諷以變計氏泣曰我死無如何一息尙存豈忍使吾夫斬祀遂殫苦守節女嫁生子憐母獨居遣一子育喜從之氏恩撫備至晚年供奉觀音神誦經滌慮解脫塵緣年七十八卒育喜哀悼歲時祀之樊氏北莊村張振業妻年二十九寡無子葬夫時立族孫根來爲後根來性極劣嗜鴉片竊鬻田產盜賣衣物氏禁之不聽家旣空竟舍去氏堅貞不渝自修先祠人喻以別謀生計則謝以先夫恩義萬不

忍忘再事他人無顏立於塵世工針黹精膳饘鄉里冠婚喪祭事皆延之攸助氏代謀必忠賢名播揚根來死氏撫其子成人又弗良欲盜賣氏居室經親族止之氏衰老氣鬱喪明有撫女之壻陽生憫之俾妻子事之得壽終守節四十七年

楊氏西大村李存壽妻年十四歸存壽逮事祖姑舅姑祖姑者李月

桂妻羅氏

周志誤作周氏

以苦節載周志者氏端莊靜一事親惟謹存壽浪

遊不理正業氏泣勸不聽舅姑歿氏躬理喪葬誠信如禮存壽亡於外氏遣人歸其喪葬之時年二十二歲謹守閨範不妄出門一步守節三十餘年

藺氏蘇村劉黑林妻年二十五寡無子撫夫兄子爲後家計日窘矢志不貳黑林在日兄弟析爨及俱歿兄子等慕氏賢求同居許之所撫子已生子亡又撫孫並理姪等家事勤苦備至年六十六卒

李氏蘇村趙連城妻同治元年連城攜家逃難死於甕峪氏年二十八歲子運緒幼艱苦撫育亂後歸里房屋燬地畝沒於河氏恃紡織針黹立家供子讀書成生員命走甕峪覓父骸值山崩之後故處覆壓招魂以歸安葬先塋年七十五卒

張氏東大村朱先楷妻年二十六寡有子不育效其祖姑孫節婦誓不再醮性情純一才識優長恆聽夫弟先模語整理家務力勤不倦立夫弟子甲巳爲嗣守節四十年卒

劉氏蘇村趙陽娃妻年十七于歸越八日夫病卒無子姑老弟幼家貧矢志奉養女紅之餘躬操農圃撫夫弟成立卒以勞成疾逝夫弟哀如喪妣守節三十二年卒

周氏東大村朱先愷妻年二十八歲寡姑欲嫁之以得財氏婉言謝之姑不可氏避母家待姑意轉而後歸子一習商死於蜀光緒三年